

სსიპ - ივანე ჯავახიშვილის სახელობის თბილისის სახელმწიფო უნივერსიტეტის წარმომადგენლობით საბჭოში ადმინისტრაციის ხელმძღვანელის დამტკიცების (არჩევნების) პროცედურის უზრუნველყოფის მიზნით შექმნილი საარჩევნო კომისიის

(რექტორის ბრძანება № 170/01-01, 27.09.2016)

დებულება

თავი I. ზოგადი დებულებები

მუხლი 1. სსიპ - ივანე ჯავახიშვილის სახელობის თბილისის სახელმწიფო უნივერსიტეტის (შემდგომში - „თსუ“) წარმომადგენლობით საბჭოში ადმინისტრაციის ხელმძღვანელის დამტკიცების (არჩევნების) პროცედურის უზრუნველყოფის მიზნით შექმნილი საარჩევნო კომისია (შემდგომში - „საარჩევნო კომისია“) ახორციელებს არჩევნების საორგანიზაციო, პროცედურულ და ტექნიკურ უზრუნველყოფას.

მუხლი 2. საარჩევნო კომისია ვალდებულია, არჩევნები ჩაატაროს საქართველოს კანონმდებლობის, თსუ-ის წესდების, ინდივიდუალური სამართლებრივი აქტებითა და ამ დებულებით განსაზღვრული რეგულაციების შესაბამისად. საარჩევნო კომისია უფლებამოსილია მიიღოს ნებისმიერი გადაწყვეტილება არჩევნების საორგანიზაციო საკითხებთან დაკავშირებით.

მუხლი 3. საარჩევნო კომისია უზრუნველყოფს თსუ წარმომადგენლობითი საბჭოს მიერ ადმინისტრაციის ხელმძღვანელის დამტკიცების (არჩევნების) პროცედურის ჩატარებას სამართლიანობისა და გამჭვირვალობის პრინციპებიდან გამომდინარე. ადმინისტრაციის ხელმძღვანელის არჩევნებთან დაკავშირებული ყველა პროცედურა საჯაროა, თუ ეს ხელს არ შეუშლის არჩევნების მიმდინარეობას, საარჩევნო კომისიის მუშაობას და მასზე დასწრების უფლება აქვს ნებისმიერ პირს, ამ დებულებით განსაზღვრული წესით.

თავი II. საარჩევნო კომისიის მუშაობის წესი და უფლებამოსილება

მუხლი 4. საარჩევნო კომისია უფლებამოსილია ჩაატაროს სხდომა, თუ მას ესწრება წევრთა საერთო რაოდენობის უმრავლესობა.

მუხლი 5. საარჩევნო კომისია გადაწყვეტილებას იღებს ხმების საერთო რაოდენობის უმრავლესობით, თუ ამ დებულებით სხვა რამ არ არის გათვალისწინებული.

მუხლი 6. საარჩევნო კომისიის თავმჯდომარე, რომელსაც ირჩევს საარჩევნო კომისია ღია კენჭისყრის გზით:

- ა. იწვევს და ხელმძღვანელობს საარჩევნო კომისიის სხდომებს და განსაზღვრავს მისი ჩატარების დროსა და ადგილს;
- ბ. ხელს აწერს საარჩევნო კომისიის სხდომის ოქმებს;
- გ. უზრუნველყოფს საარჩევნო დოკუმენტაციისა და მასალების მომზადების კონტროლს;
- დ. კენჭისყრის დღეს უზრუნველყოფს წესრიგის დაცვას;
- ე. ახორციელებს მის კომპეტენციაში შემავალ სხვა უფლებამოსილებებს.

მუხლი 7. საარჩევნო კომისიის მდივანი, რომელსაც ირჩევს საარჩევნო კომისია ღია კენჭისყრის გზით:

- ა. ადგენს საარჩევნო კომისიის დღის წესრიგს და სხდომის ოქმებს;
- ბ. რეგისტრაციაში ატარებს საარჩევნო კომისიაში შემოსულ კორესპონდენციას;
- გ. საარჩევნო კომისიის წევრებს უზრუნველყოფს საჭირო მასალებითა და დოკუმენტაციით;
- დ. ადმინისტრაციის ხელმძღვანელის არჩევნების დასრულებამდე ინახავს საარჩევნო კომისიის მუშაობასთან დაკავშირებულ მასალებს;
- ე. ადგენს არჩევნების შედეგების შემაჯამებელ ოქმს, რომელსაც ხელს აწერს საარჩევნო კომისიის წევრები;
- ვ. ასრულებს საარჩევნო კომისიის თავმჯდომარის იმ დავალებებს, რომლებიც საარჩევნო კომისიის მუშაობასთანაა დაკავშირებული;
- ზ. ახორციელებს მისთვის მინიჭებულ სხვა უფლებამოსილებებს.

მუხლი 8. საარჩევნო კომისიის სხდომის ოქმში უნდა დაფიქსირდეს სხდომის თარიღი, დამსწრე პირთა ვინაობა, დღის წესრიგი, განხილული საკითხების შინაარსი და კენჭისყრის შედეგები. საარჩევნო კომისიის სხდომის ოქმებს ხელს აწერენ საარჩევნო კომისიის თავმჯდომარე და მდივანი.

მუხლი 9.

1. საარჩევნო კომისია განიხილავს შემოსულ კორესპონდენციებსა და საჩივრებს, თუ ისინი უკავშირდებიან ადმინისტრაციის ხელმძღვანელის არჩევნების საორგანიზაციო, პროცედურულ ან ტექნიკურ საკითხებს.
2. საჩივარი უნდა შეიცავდეს შემდეგ რეკვიზიტებს:
 - ა. საჩივრის შემომტანი პირის სახელი, გვარი, ტელეფონის ნომერი და მისამართი;
 - ბ. საჩივრის შემომტანი პირის სტატუსი;

- გ. დარღვევის შინაარსი;
- დ. მოწმეების ვინაობა (იმ შემთხვევაში, თუ არსებობენ მოწმეები, რომლებიც დაადასტურებენ ამ ფაქტობრივ გარემოებას);
- ე. საჩივრის შემომტანი პირის მოთხოვნა;
- ვ. საჩივრის შემომტანი პირის ხელმოწერა და თარიღი.

მუხლი 10. საარჩევნო კომისია წყვეტს რეგისტრირებული კანდიდატის წარმომადგენლის, სადამკვირვებლო ორგანიზაციის, სტუდენტური ორგანიზაციებისა და დამკვირვებლების აკრედიტაციის საკითხს. დაინტერესებულმა პირებმა საარჩევნო კომისიას უნდა მიმართონ განცხადებით არაუგვიანეს 2016 წლის 29 სექტემბრის 17⁰⁰ საათისა, რომელსაც თან უნდა ერთვოდეს პირადობის დამადასტურებელი მოწმობის ასლი, საკონტაქტო ინფორმაცია და ოფიციალური დოკუმენტი, რომელიც დაადასტურებს მათ წარმომადგენლობით უფლებამოსილებას. საარჩევნო კომისიის მდივანი გასცემს აკრედიტაციის დამადასტურებელ დოკუმენტს. მედია საშუალებების განთავსებისა და აკრედიტაციის საკითხს წყვეტს საარჩევნო კომისიის თავმჯდომარე ან/და მდივანი გამარტივებული წესით, სათანადო მოწმობის წარდგენის საფუძველზე.

მუხლი 11. საარჩევნო კომისია ვალდებულია შეიკრიბოს საარჩევნო კომისიის თავმჯდომარის მიერ საარჩევნო კომისიის სხდომის მოწვევის შესაბამისად.

თავი III. საარჩევნო პროცედურები

მუხლი 12. კენჭისყრის პროცედურა საჯაროა და მასზე დასწრების უფლება აქვს ნებისმიერ აკრედიტებულ პირს.

მუხლი 13. ხმის მიცემის პროცედურა ხორციელდება წარმომადგენლობითი საბჭოს სხდომაზე.

მუხლი 14. ფარული კენჭისყრისათვის უნდა მოეწყოს კაბინა, რომლის ფორმას განსაზღვრავს საარჩევნო კომისია. უნდა გამოიყოს ადგილი ამომრჩეველთა რეგისტრაციისა და საარჩევნო ბიულეტენების დამოწმებისათვის. გამჭვირვალე საარჩევნო ყუთი უნდა იდგეს თვალსაჩინო ადგილზე.

მუხლი 15. საარჩევნო კომისიამ თვალსაჩინო ადგილას უნდა გამოაკრას კანდიდატის სახელი და გვარი, ამომრჩეველთა სიები, საარჩევნო ბიულეტენის შევსების წესი და ბიულეტენის ბათილობის საფუძვლები.

მუხლი 16. საარჩევნო კომისიის თავმჯდომარის ხელმოწერით დადასტურებული საარჩევნო ბიულეტენი გაიცემა ამომრჩეველთა სიის საფუძველზე, პირადობის მოწმობის, პასპორტის ან მართვის მოწმობის წარდგენის შემდეგ.

მუხლი 17. ბიულეტენის გაცემა დასტურდება ამომრჩეველთა სიაში მდივნის ხელმოწერით. ამომრჩეველი საარჩევნო ბიულეტენის მიღებას ადასტურებს ამომრჩეველთა სიაში ხელმოწერით.

მუხლი 18. თითოეული ამომრჩეველი ხმას აძლევს პირადად, დაუშვებელია ხმის მიცემა სხვა პირის ნაცვლად.

მუხლი 19. ხმის მიცემის პროცედურა ტარდება შემდეგი წესისა და თანმიმდევრობის დაცვით:

- ა. კენჭისყრის ოთახში შემოსული ამომრჩეველი მიდის სარეგისტრაციო მაგიდასთან და წარადგენს წინამდებარე დებულების მე-16 მუხლით განსაზღვრულ დოკუმენტაციას;
- ბ. მდივანი ამომრჩევლის სიაში ყოფნის დადასტურების შემთხვევაში ამომრჩეველთა სიაში ხელმოწერით ადასტურებს საარჩევნო ბიულეტენის გაცემას. საარჩევნო კომისიის თავმჯდომარე ხელს აწერს ბიულეტენის უკანა მხარეს;
- გ. შემდეგ ამომრჩეველი შედის ფარული კენჭისყრის კაბინაში და ავსებს ბიულეტენს. ბიულეტენის შევსების შემდეგ ამომრჩეველმა ისე უნდა დაკეცოს, რომ არ ჩანდეს, თუ ვის მისცა ხმა;
- დ. შემდეგ ამომრჩეველი დებს ბიულეტენს კონვერტში და ათავსებს მას საარჩევნო ყუთში;
- ე. საარჩევნო ყუთთან ერთდროულად ერთზე მეტი ამომრჩევლის მისვლა იკრძალება.

მუხლი 20. თუ ამომრჩეველს გაუფუჭდა საარჩევნო ბიულეტენი მან ამის შესახებ უნდა აცნობოს საარჩევნო კომისიის თავმჯდომარეს, ჩააბაროს გაფუჭებული ბიულეტენი და მიიღოს ახალი ბიულეტენი. გაფუჭებული ბიულეტენს ამომრჩევლის თანდასწრებით ჩამოეჭრება კუთხე და დაეწერება, გაფუჭებულია.

მუხლი 21. კენჭისყრის პროცედურის დასრულების შემდგომ საარჩევნო კომისიის თავმჯდომარე და მდივანი თვალსაჩინო ადგილას ხსნიან საარჩევნო ყუთს, ითვლიან ხმებს. საარჩევნო კომისიის მდივანს მონაცემები შეაქვს შემაჯამებელ ოქმში, რომელსაც ხელს აწერენ საარჩევნო კომისიის წევრები. არჩევნების შედეგებს აცხადებს საარჩევნო კომისიის თავმჯდომარე.

მუხლი 22. არჩევნების დასრულების შემდგომ საარჩევნო დოკუმენტაცია შესანახად გადაეცემა თსუ-ის კანცელარიას.

მუხლი 23. საარჩევნო კომისიის უფლებამოსილებები წყდება არჩევნებთან დაკავშირებული ყველა პროცედურის ამოწურვისთანავე.